

新昌縣志卷十四

寓賢

晉

王羲之司徒導從子晉書家世貧約未嘗以風塵經懷別傳羲之有英

譽風骨清舉晉安帝記朝廷公卿皆奇其才器為右軍將軍會稽內

史初渡浙江便有終焉之志時孫興公與支道林共載往因論

莊子逍遙篇作數千言才藻新奇留連不能已世說慕會稽佳山

水名遂居焉剡金庭觀稱右軍故宅剡錄沈約碑記云高崖萬沓

邃澗千迴因高建壇憑壇考室唐裴通記亦云其險如崩其聳

如騰其引如肱其多如朋不三四層而謂天可升是其地勢險

新昌縣志卷十四

寓賢

峻可知而今嵯東金庭觀地極平坦不類所云及考宋陳永秩

右軍祠堂碑文右軍隱剡東創金庭道院于罕嶺卽王罕嶺詳王氏宗譜既

與舊經所云縣東七十二里裴記縣東南七十里適合而其形

勝益符蓋嵯東金庭觀唐宋以後始為移造無非因右軍而名

罕嶺金庭始本道院又名金真館自唐宋以前本有金庭觀今

獨荒廢故無人知之幾疑白氏羲之居沃洲之言笑為後人攀

援陋習迄今千百年後前賢真蹟竟有發見如此者由沃洲小紀增并詳古

蹟門

戴逵字安道譙國人好談論善屬文能鼓琴工書畫其餘巧藝靡

不畢綜性不樂當世徙居剡縣性高潔常以法度自處放達為

非晉書多與高門風流者遊談者許其通隱晉安帝記郗超為築室以

居如官舍世說為辦百萬資劉錄時王子猷居山陰夜大雪因詠左

思招隱詩忽憶戴在剡即便乘船經宿方至不前而返人問其

故王曰吾乘興而來興盡而返何必見戴世說今自新嵒訴流而

上至於雪溪往往由雪得名由戴安道始也閻風集

許詢等在沃洲者十八人真覺寺記王戴已見上詢字元度高陽人有才藻善

屬文讀晉陽秋與孫興公綽皆一時名流入剡山莫知所止或以為

昇仙晉中興書王坦之字文度述之子與郗超俱有重名洽字敬和

導諸子最知名謝朗字長度原志作霞誤安次兄諫之長子名亞元

仕至東陽太守萬字萬石安弟劉恢字道生沛國人殷融陳郡

新昌縣志卷十四

寓賢

二

人孫曠之嘗為剡令袁宏字彥伯小字彪何充字次道累遷會

稽內史蔡系字子叔原志作叔子誤王敬仁修仲祖濛皆太原晉陽人

先後均入剡游止云剡錄衛玠字伯玉世說與桓彥表未詳由白氏沃洲山記碑

增

孔淳之字彥深魯人也祖愔尚書祠部郎父粲秘書監徵不就淳

之少有高尚愛好墳籍居會稽剡縣性好山水每有所游必窮

其幽峻或旬日忘歸嘗游山遇沙門釋法崇因留共止遂停三

載法崇歎曰緬息人外三十年矣今乃傾蓋於茲不覺老之將

至也及淳之還不告以姓除著作佐郎太尉參軍並不就會稽

太守謝方朋苦要之不能致使謂曰苟不入吾郡何為入吾郭

笑曰潛游者不識其水巢栖者非辯其林飛沉所至何問其主  
終不肯往是與法崇在沃洲最久未知白記何以獨遺之由南史增  
節

阮裕字思曠以德業知名王敦命爲主簿甚被知遇裕以敦有不  
臣志乃終日酣觴以酒廢職出爲溧陽令復免官居會稽剡縣  
卽家焉拜臨海太守少時去職復除東陽太守尋徵侍郎不就  
還剡山有肥遁之志裕嘗以人不須廣學正應以禮讓爲先在  
剡曾有好車借無不給人葬母意欲借而不敢言後裕聞之  
乃嘆曰吾有車而使人不敢借何以車爲遂命焚之晉書在東山  
終日靜默無所修綜而物自宗焉卒葬剡山其子傭甯普晉書傭

新昌縣志卷十四

寓賢

三

字彥倫仕至州主簿孫萬齡家在剡縣剡錄晉書萬齡次子甯出是其子姓不  
一在嵒固有後相傳新之眞溪洞卽裕故居山下亦有其苗裔  
或於歷臨海東陽二郡時由新就道棲止於此地爲久故亦有  
家室至剡錄稱別傳所云東山卽剡之東山阮光祿東山下其屬於新  
地者多矣

六朝

宋謝靈運陽夏人原志其祖元爲上虞人府志襲封康樂公宋降爲侯  
世卽以此稱之幼便穎悟博覽羣書宋書文章之盛獨絕當時文選  
名人錄既不見知常懷憤憤出爲永嘉太守宋書剡錄引元嘉起居注作臨海太守遂  
肆意遨遊父祖並葬始甯縣今上虞縣西南五十里義故門生數百鑿山澗

河功役無已巖壑千重無不遍歷世說嘗自始甯南山代木開徑

直至臨海自作山居賦宋書所云遠近東南名山皆其實證或謂

卽今三界地當自始甯分界處言之今岷亦有忠信坊是其居

止必非一處故李白於天姥詩云然在新則自宋時卽有坊由

康樂里改建云增按卽本傳所言除口三江口等地名今皆不可考山居

賦有脫字更甚白記所引詩暝投剡中宿明登天姥岑剡錄則稱旦發清溪陰暝投剡中宿互有同異全集亦佚并詳坊巷門

唐

李紳字公垂潤州無錫人中書令敬元孫太和中爲浙東觀察使

自宣武節度歷左散騎越州刺史由唐鑑剡錄增節官亦不全唐詩錄傳亳州人少孤游

剡止龍宮寺亦作龍藏老僧修真曰後當領鎮此道幸願建節吾寺

新昌縣志卷十四

寓賢

四

龍宮寺碑踰一紀乃一新舊遊之地賦詩以紀其事又自序其詩云

新昌宅書堂前有藥樹一株今已垂拱前長慶中於翰林西軒

下移得纔長一寸僕夫封一丸泥以歸今則長成名爲天上樹

詩詳古蹟樹

幾有桓溫楊柳杜老朱櫻之感當時新昌尙祇有鄉

詳物產門

原古蹟藝文有李白一

詩誤爲新昌縣削之

與瑞州之新昌同未建縣意必指此地而言

且其龍宮寺碑亦言南巖海跡諸勝并云時適天台必亦久旅

此地後復重寓故其詩云然增

孟浩然自洛至越留越中兩年餘會稽掇英集臘月八日有至剡縣石

城寺禮拜一詩全唐詩詳古蹟門是必至此歲月淹久者趙嘏亦有白石

城寺早發一詩詳古蹟門馬戴寄剡中友人詩沃洲僧幾許天姥客

誰遇全唐詩

蓋皆未久居者朱放剡山夜月泛舟詩月在沃洲山

上人歸剡縣江邊

全唐詩在一作到歸一作來

白記亦引此蓋亦本謝詩意也

孟於昌樂靈門等寺各有題詠又別李蕙蘭一絕云古岸新花

開一枝岸傍花下有誰知羞將羅袖拂花落便是行人腸斷時

原志為襄州人隱於剡溪徵辟皆不就

萬歷府志

客此必久增

宋

劉安世字器之

原志劉器之字安世名字已倒置置於文杜四相前時代亦紊至云其母為石亞之女并原女德傳亦言之鑿鑿未知何本若

元城本傳明言其父航為太僕卿元城亦從為廐牧幼即師事司馬光與原傳所言游學石溪相睽然或不止一師至其母訓言一如鄒忠浩母張氏言而史并不詳其母為何氏志即云石亞之女荒誕殊甚亞之登第傳明言景祐元年年十七未婚故諷以尚主云云元城壽七十八卒在宣和七年名八年譜稱是年六月明甚則始生在慶歷五年亞之年尚祇二十七歲元城十七歲相距十年間安得有女以為之母當時或因黃文叔得快婿周南一事其甥亦知名輾轉傳訛亦未可

新昌縣志卷十四

寓賢

五

知至如原文所言游學在義塾師司馬光則于四相外又添一相矣本志於各傳雖未能疏證類皆闕疑四相潭則以萬歷志已辨之詳故徑削去惟此則俚且褻不可不辨別於列女傳留其事或以似此者多乾隆府志當日列銜不乏名宿布衣錢泳尤號淵雅省志亦誤因之而於此傳亦僅改正名字以宋史未見四字之抑何疏忽乃爾亦可見

元城人官至諫議大夫卒謚忠宣原末第志

時或來石溪義塾一游或貶官嶺表迂道過此歟忠宣不藉石

氏而傳石溪亦無待元城而顯山水勝區類引名流至止存疑

可也增

朱子婺源人生於閩尤溪父松紹興十八年進士乾道九年命主

管台州崇道觀淳熙元年始拜命

宋史本傳原作紹興中不合

五年浙東大饑

提舉浙東常平茶鹽公事即移書他郡募米商蠲其徵及至則

客舟之米已輻湊日鈎訪民隱按行境內徒從所至人不及知

所部肅然凡和買權酷之政有不便於民者悉釐革之隨事區畫必為經久計宋史本傳令各縣並立義倉越民賴之在浙累年萬歷

府志往來新昌見新刻民饑賑之與石宗昭石塾為師友講明性

理之學塾有中庸集解詳四庫著錄中原志先作輯略誤即采其說註中庸論孟

亦多及之江氏近思錄註名石氏集解為輯略其學直從伊洛得洙泗

正傳故宋史為創立道學傳嘗游南明山及水濂洞諸勝留題

任氏壁為梁氏書大學呂氏書東坡竹石卷至今寶藏弗失既

而退居武彝有詩寄石斗文石斗文亦有詩以答之由原志增節并詳古蹟門

蓉臺評本內一卷崑紀石氏義塾書院本末於四相則登文呂奉石城二書啟晏殊亦有留題一詩院長則加入胡安定程明道司馬溫公朱子則為石克齋誌墓外并有往復請記四書殆皆於石氏譜中原文幾羅列北宋一代名賢而盡之以與各人本集及朱子全書不多見未敢率行闌入附識於此

新昌縣志卷十四

寓賢

六

陳傳良瑞安人登進士官至寶謨閣待制謚文節號止齋友朱熹

張栻呂祖謙文名擅一時新昌袁氏延典塾事嘗館黃度家石

呂二氏子弟多從之今郭外有報慈庵孝子呂蒙廬墓處也嘗

留信宿為呂琰作陳巖墓志又為呂冲之作字說原志

葉適號水心永嘉人登進士官至寶謨閣學士謚忠定雄文奧學

名重當時雅以經濟自負嘗往來新昌館於石呂諸氏與呂元

之聲之友善為聲之作呂丞行至今其家寶藏之原志

張卽之字溫夫溧陽人參知政事孝伯之子由父恩授烏程丞歷

官直秘閣嘗倡義辯王維中之死時論多之以能書聞天下金

人尤寶其翰墨淳祐間往來新昌典平壺陳氏義塾為書桂山

義塾大字及慈教庵碑記爲呂秉南書芳在庵竹山莊大字與書院山長潘孚書留耕二字又書石城校巖大字俱爲世重原志

胡三省字身之號梅磡甯海人

此據袁氏清容集其師友淵源錄作天台人

登寶祐元年丙

辰進士釋褐爲慈溪縣尉爲郡守厲文翁劾去注通鑑凡三十年咸淳初從淮壩歸杭都延平廖公見而躉之禮致諸家以授其子弟爲著通鑑凡例廖薦於賈相德祐元年乙亥從軍江上言輒不用旣而軍潰間道歸里丙子避地至新昌師從之以孥免己失其書亂定返室購得他本注之始克成編全氏集胡梅磡書齋記并述其自記 同時遺民舒岳祥陳著號宋末三進士岳祥字閬風亦甯海人宋亡不仕邑中董氏養志堂及壽康精舍二記皆其手筆

新昌縣志卷十四

寓賢

七

自云丙子兵亂屢至其地

閬風集并序傳

著字本堂奉化人宋時爲岷

令有惠政臨去民送至陳公嶺或因是名歷官至監察御史秘書監向與王平章燠主管機宜文字因與其二公子知江陰軍規籍田令 友善國變後規 亦不出時與往還東塢不勝麥

秀秀離之感云

本堂年譜并詳古蹟門 增

明

劉基字伯溫青田人元至順間舉進士爲江浙儒學副提舉被劾歸博通經史於書無不窺尤精象緯之學西蜀趙天澤論江左人物以爲諸葛孔明儔方國珍起海上行省復辟以爲都事國珍懼厚賂基基不受用事者反授國珍官責基擅威福羈管紹

興明史并詳本志大事記

放浪山水凡新嵒蕭暨諸名勝游賞殆遍

乾隆府志并野獲編

來青樓者宋參軍呂嶸所建以相天下士者也為邑之名勝基

每來下榻

於越新編

與邑人呂不用友善夜觀星象書談兵略或通

曉不寐咸呼之曰劉狂

原志

相傳基夢隙中觀日不用為占之謂

為鳳陽之徵基亦首肯是與武林觀雲一事謂十年後應在金

陵

萬歷府志

同一附會故神其說云

由原志及本傳增節

王翊字完勳號篤庵慈谿人後居餘姚

海東逸史

為人樸重人無知者

丙戌浙河師潰意感憤獨行舜江干自語因私求士以所得館

穀分給人感其義丁亥結壯士十八人起於四明之下管奉魯

王年號浹旬得千餘人甯波諸生華夏以帛書來告內應謀洩

新昌縣志卷十四

寓賢

八

東南紀事

翊乃入四明結寨於大蘭山居之戊子再破上虞浙東震

動慈谿馮京第自湖州敗退亦與合軍

海東逸史

遂結老若休兵求

將是時山寨蔓延於四明八百里內邑人俞國望亦與焉翊任

褚九如沈倫鄒小南等領五營毛明山等領五內司清提督檄

環甯紹台三郡村落團練自為戰守兵自清賢嶺入有孫悅者

聞丁山敗中矢死直立不仆山中奪氣翊以四百人走天台

東南

紀事

乞國望之兵間道入杜畧擊破團練

全氏王侍郎傳

隨道收兵從至

萬餘己丑八月自上虞出徇奉化庚寅八月翊合俞國望陳天

樞之師復新昌北越餘姚拔許山紹甯道梗諸師分二道入翊

兵日蹙避於海上辛丑秋七月還山中為團練兵執於北溪九



如入天台為道士氣結而死

東南紀事并詳大事記

惟戊子年餘其蹤跡不

出新昌天樞於破城後即歿於新昌墓地無考

清

貝子博洛康熙十三年耿精忠叛賊逼新昌貝子偕和碩康親王

傑書督師至以計授文武擒斬招撫兩月而盡

王恕甯海將軍惠獻貝子功德碑詳

大事記

聞其過境時一不擾民且於大佛寺行轅以文藝觀風試

士優給獎勵首拔邑人陳太史捷為最云

袁枚字子才錢塘人年二十即以博學宏詞舉報罷後登進士改

庶常因不習清書散館授知縣著能聲其後所居小倉山房即

其以經術治獄時所報德者也

小倉山房集并各劄記

未幾即辭去風流自

### 新昌縣志卷十四

寓賢

九

賞江督尹式善將按之枚投以一詩立致禮

蒲褐山房詩話

遍游浙中

諸山水來天台時適蘇令耀

職官志乾隆四十一年任重來未知何年

為其私淑弟子

復回邑任士民歡迎於亭館額聯有云三春花雨重攜鶴百里

笙歌半入雲令順道聞枚至即假以延客枚見之愕然曰不意

僻邑中有此風調為覬覦者移時館於呂氏園其詩有云留賓

館借亭臺地自註即此

隨園詩語及本集中

其淹流最久故題詠較多

增并詳

古蹟門枚論詩尚性情又善為駢文袁文箋正隸事或偶失真要其天骨開張處實非時賢所及素不喜考據當時盛平無事值文字獄後盡致精力於一名一物中瑣屑繁碎枚蓋意有所指而甚之其實為文詞須畧識字即詞章一家亦須知來歷邑某孝廉嘗於杭垣舊書肆中見一破帙八十本索價一百二十金見其蠅頭小字排日札記或經或子亦草亦真點竄塗抹幾不可辨因其卷中有枚及隨園數小印始知即此老所為次日為人以八十金購去此老自為又若此殆所云不示人以璞者

茹芬號古香會稽人未第時任鼓山書院長為諸生所難

楊思萱彩煙詩集中

贈寺有云大木豈畏虺蜉攫之句

後以狀頭歷仕至吏部尚書與藕岸義士呂通

交最深宦歸後往還數四嘗以仕進勸通通大笑不止古香會

其意不復言通新室落成取是亦為政之意顏其堂曰亦政

葉蓁東陽玉山人以才豪俯視一切嘗往來夾溪道中借館於楊

雲津家與雲津兄弟楊埏輩把酒論文極一時之盛贈碧亭居

詩云世態憑榮落伊人有逸情生涯書滿屋品格玉連城春柳

懷張緒秋蘭想屈平相逢訴衷曲杯酒快同傾

由採稿增

新昌縣志卷十四

寓賢 仙

十

仙

漢

劉晨阮肇剡縣人漢明帝永平十五年采藥於天台山望山頭一

樹桃取食之又流水中有胡麻飯屑二人相謂曰去人不遠因

過水深四尺許行一里又度一山出大溪見二女容顏絕妙便

喚劉阮姓名問郎何來晚也館服精華東西帷幔寶絡左右盡

青衣進胡麻飯山羊脯設甘酒歌調作樂日暮止宿住半年天

氣和適常如二三月鳥啼悲慘求歸甚切女喚諸仙姬歌吹送

之指示還路鄉邑零落得七代子孫傳聞祖翁入山不知何往

太康八年失二公所在今劉門隄在縣東三十里舊經曰劉阮

入天台遇仙此其地也

由剡錄續齋諧記  
增節并詳古蹟門

晉

袁根柏碩亦剡縣人因驅羊度赤城山忽有石門開豁前見二女  
方笄遂爲室家後謝歸女以香囊遺之根後羽化碩年九十餘

曲搜神後記增 案此與前傳是否同時同事輒轉傳訛均未可知惟均爲魏晉  
人手筆安知非身際滄桑厭聞離亂醉後遣懷類涉冥想未必真有桃源其地也  
赤城志言宋仁宗景祐中天台僧明照亦因采藥親見金橋跨水  
有二女戲水上恍然如故事必取其人以鑿之則固矣仙云乎哉

六朝

宋顧歡字景怡鹽官人隱剡山好服食每旦出山鳥集其掌取食  
元嘉中寄住東府忽題柱云三十年二月二十一日因東歸卽  
元凶弑逆日也弟子鮑靈綬門前有樹六十圍上有精魅數見

新昌縣志卷十四

仙

十一

歡印樹樹卽枯死山陰白石村多邪病村人告訴求哀歡往村  
中爲講老子規地作獄病者皆愈又有病邪者問歡歡曰家有  
何書答曰惟有孝經而已歡曰可取仲尼居一章置病人枕邊  
恭敬之自差也病者果愈人問其故歡曰善襮惡正服邪此所  
以差也齊高帝輔政聘爲揚州主簿及踐祚乃至稱山谷臣進  
政綱一卷優詔稱美東歸賜塵尾素琴年六十四卒於剡山身  
體香軟道家謂之尸解

由南史剡  
錄增節

世競傳其靈蹟在剡與天台之

間

評本

如原傳所言則在東府山陰上虞願墅亦爲歡問學所

剡錄

往來無定特在剡最久尸解當必在剡惜其墓無考

增

齊褚伯玉字元璩錢塘人少有隱操年十八父爲之婚婦入前門

伯玉出自後門往居剡瀑布山隔絕人物王僧達爲吳郡甯朔將軍邱珍孫與僧達書曰褚先生滅影雲棲抗高木食非折節好士何以致之齊書以禮招致伯玉不得已停郡信宿纔交數言而退宋孝建二年召聘不就齊高帝卽位手詔吳會二郡以禮迎遣辭疾而歸敕於剡白石山立太平館舍之孔稚圭從其授道爲於館側立碑南史卒年八十六常居一樓仍葬樓所剡錄蓋伯玉兩居剡傳已明言之當伯玉年二十餘始在剡東瀑布山已三十年舊經卽剡東之金庭觀也齊明帝爲伯玉置之後高帝建元元年爲伯玉敕立太平館於剡西白石山又居三十年稚珪立碑時明稱太平館剡錄先賢門與舊經所言伯玉居此三十餘年

新昌縣志卷十四

仙

十二

適合後人第以其葬所之太平館爲其故居并以瀑布嶺爲山以當之幾忘剡東之瀑布山本有金庭觀與羲之古蹟同一埋沒是不善讀齊書與南史并爲剡錄仙道奇跡分門所朦也得此一解概可冰釋由沃洲小紀增

黃天星姓蕭氏道成得賢師天下太平此爲碑文昇平未剡縣人倪襲祖行獵時見山上刻石有文凡三處苔生其上刮苔視之其一卽此碑舊有衛夫人碑在丹池山爲金庭洞天之東舊經云剡東七十二里剡錄云卽舊桐栢山唐天寶六載改爲丹池所云昇平年號在晉穆帝時張元觀所稱當必誤今更不

知其處詳金石井古蹟門

隋

徐則本剡人居天台觀立道真齋號隱真陳文帝詔講道要徐陵  
欽其風致爲作頌焉隋晉王廣旣入江左召問道法則遜免一  
夕死柩自江都還新昌道中多見則徒行令子弟掃室曰客至  
迤於此語訖跨石梁而去須臾柩至方知其異

由隋書徐靈  
小錄增節

唐

司馬承禎字子徽河內溫人周晉州刺史裔之孫

舊唐書本傳  
原作天台人

少游

學薄於爲吏遂爲道士事潘師正得陶隱居四葉之傳嘗遍遊  
名山止於天台武則天聞其名召至都降手勅以寵異之景雲  
二年睿宗令其兄承禮迫之至京引入宮中問及無爲之旨承  
禎固辭還山仍賜寶琴一張及霞紋帳而遣之開元九年元宗

新昌縣志卷十四

仙

十三

又遣使迎入京親受法錄前後賞賚甚厚十年又還天台元宗

賦詩以遣之十五年又召至今於王屋山自選形勝置壇室以

居

由唐書  
本傳節

後又還賜號貞一先生先期告終忽若蟬蛻弟子斂

衣空葬之

原志與大平廣  
記同人寓賢傳

是其一生凡四出四還

原志云則天屢召  
不起誤惟第四次

何時還史

亦未詳所云縣東仙桂鄉悔山悔橋

天台志稿  
一作晦橋

但言開元中當

是初次出山則天時尚出何必悔迄今台人爭之謂悔山在台  
橋不應在新不知由台而出道必由此蓋以唐時尚未割台隸

新所誤奚斷斷爲同時有吳筠者爲魯儒士舉進士不第乃入

嵩山

剡錄云字貞節華陰人去  
居南陽山與此皆不合

亦依潘師正爲道士盡通其術東遊

天台在剡與越中名士爲詩酒之會元宗徵之

按此當尚在開元  
時剡錄言天寶初

即被召後遊台 卽至與語 李白由筠薦引自越至京當卽在此時南鄉新書但謂白遊會稽隱剡中谷今亦未知何地附識於此

名教世務而已天寶初紀綱日紊知天下將亂求還嵩山累表

不許既而中原大亂乃東遊會稽嘗於天台剡中往來後竟終

於越 由唐書本傳節與剡錄不合惟在新地較明 年一百餘歲童顏鶴髮常若二十餘弟

子七十餘人 由太平廣記增

賀知章字季真拜秘書監天寶初夢遊帝居請為道士還鄉以宅

為千秋觀明皇詩以餞之親賜鏡湖剡川一曲 由唐書本傳剡錄節 南唐徐

鉉稱彭汭於會稽過壽隄得一石乃許鼎所撰通和祖先生碑

其間載賀監後得攝生之妙負笈賣藥如韓康伯故事時往來

天台上徧於人間此碑於元和時間存 野客叢談 是由明越入台則

新昌縣志卷十四

仙

十四

剡川一曲必兼及新地可知矣 增

宋

蔡華甫名必榮號默齋以字行宋少司馬禮齋七代孫也幼警悟

博通經史百家長於著述有史義六卷元風集四卷行於世咸

稱為名儒延祐問膺部薦擢燕京行省恤刑每按獄明冤理枉

人人稱平後致仕歸有婺寇縣簿蕭化龍欲以邑人搆亂奏殲

之必榮白縣長火魯思密寢其事又朝命權茶官欲取之彩烟

一鄉必榮以為不可均其稅邑人德之嘗遇異人授以道術遂

精黃白修真驅鬼神法夜夢片瓦載蟻數千飛入醴泉村中乃

語其妻曰瓦女兆也汝娠必女以綠當適醴泉章氏子孫必繁

顧其族多苦早世我有一術能奪造化權己而果生女遂以適章文燁嫁之日迎眞武像於轎前至其家爲之設醮建祠祀之其族後多壽者一日偶出遊有道人來索酒持麻袋盛之旣而歸知其事卽翦白紙二條噴以符水凌雲而上化爲二白蛇投其醮壇吸所懸佛像并鏡磬等器道人哀懇因叱還之其婿文燁嘗過華甫園中見有一虎驚走華甫曰無懼我當呼而來卽馴伏於地其異術多此類自題所畫像曰在俗超俗居塵出塵此身何幻方表其眞噫要識先天一炁煥然千古靈明鍊丹將成使弟子看護夜登橐駝山坐石棋枰望火色烟焰卓越卽歸取服之沐浴更衣謂諸子曰我將遠遊矣屍遂解有從子在天

新昌縣志卷十四

仙

十五

台青溪見其乘青驪從二童子問之曰支遁邀我遊桐栢宮言

訖不見

志稿由兩浙名賢錄增

明

葉元生而奇詭幼時渡槐潭溺水得一赤面長鬚人救故不死自是遂通經咒諳五雷祈雨法成化間郡大旱守白公延之祈雨卽時大澍府倅女爲妖所惑諸巫治之無驗元至書符少頃忽震雷一聲擊死巨蛇女病漸愈後不知所終云

志稿由萬歷府志增

清

曹揚北區欽村人平日敦內行素無知爲修鍊家一日上元節與其友談揚州之勝聲色甲天下其梨園子弟率以家樂充之遇

歲時賽演尤出奇鬪勝揚曰能往遊乎其友曰固所願惜無杖頭資且縮地法耳揚曰某一處近揚州試與同行可乎令閉目隨行但聞颯颯風濤聲張目少視有水似溝急囑以屏息俄頃至一處令開目曰至矣果粉墨登場士女雜還臺上於千金記後演掃花一闋歌者尤妍麗其友正注目揚忽促之歸再三不允於袖底出百錢謂我有事須先回此地離家稍遠當節縮用之用其半即止母使一錢不留乃可其友方疑信參半而意在觀劇亦竟受之比劇散揚已不見詢之旁觀為揚州某觀計無所出只得如其言而行及至家時已暮春揚竟羽化二日矣

稿增

由採

新昌縣志卷十四

仙釋

十六

釋

晉

白道猷

萬歷府志作帛白記曰道猷馮惟汭云本姓馮山陰人或曰羅漢僧天竺人高僧傳亦云即竺道猷

來自西天竺居沃

洲山

白記道猷肇開此山

竺道壹在若耶山道猷以詩寄之連峯數十里

修竹帶平津茅茨隱不見鷄鳴知有人閒步踐其徑處處見遺薪始知百世下猶有上皇民開此無事蹟以待疎俗賓長嘯自林際歸此保天真壹得詩欣然往訪之

由剡錄萬歷府志增府志謂此詩即陵峯採藥詩按開字

當有誤 道壹別有傳

竺潛字法深亦稱深公

世說釋名不言潛白記始稱潛剡錄引庾法暢人物論即宏道法師

不知其族蓋衣

冠之肩也

世說劉注

譽播山東為中州劉公子弟永嘉致禮投迹陽



土居止京邑以業茲清淨不耐風塵考室剡縣二百里岫山中

世說劉註本文作印山舊經岫山同游十餘人高樓浩然支道林慕其在

風範與高麗道人稱其德行因就買印山

原志作沃洲小山萬歷府志作小嶺

公曰

欲來當給不聞巢由買山而隱遁慙恧而已年七十有九終於

山中

由世說劉注及剡錄增節

支遁字道林稱支公林公又竺法師竺道人

世說釋名沙門傳姓關氏林廬人高僧傳別名道林

姓黃名元卿朱子語錄則以遁與道林為二人往剡東岫山

即前竺傳印山明甚支公自言山去會稽一百里則前傳所言二百里均就會稽界言非專指剡東也

清識元理任心獨往

支遁別傳又幼有神理聰明透徹

謝安盤桓東山時與孫興公論汎海戲

世說原注引中興書安先居會稽與支道林王羲之共遊處

王濛重之曰造微之功不減輔嗣羲之在會稽與交住靈嘉寺

新昌縣志卷十四

釋

十七

入沃洲小嶺建精舍

盧象詩元度常稱支道林高人隱處白雲深一去人間長不見千峯萬壑勢森森

遁為哀

帝所迎游京邑久心在故鄉乃拂衣東還就巖穴

沙門傳

路由稽

山入沃洲又建一精舍

當又一地

晚移石城山棲光寺

府志

有遺馬者

受之曰吾愛其神駿

山有放馬坡在縣東三十里

有餉鶴者受之曰凌霄之姿

何肯與人作耳目近玩養翮成使飛去

世說曰支公好鶴住岫山有放鶴峯又有亭與澗均詳古蹟中

孫興公每云遁稜稜露其爽謝朗幼與談論輒至相告謝公亦

云林公雙眼黯黯明黑聞其會講或有所遺曰此乃九方歎相

馬略其元黃取其駿色故與情好尤篤

均詳世說

每名辰至餘姚隲

曰昔來就見安石輒移旬日今觸情是愁耳歿葬隲中

舊經曰隲在餘

姚縣西南十二里僧史曰遁經餘姚隲信宿彌日不去或問其意曰若安石相從未嘗不移旬日今觸情是愁耳乃移隲中永和元年閏四月四日歿葬隲中太平

廣記謂郗超袁宏等爲之作傳銘至世說引建康實錄曰墓在石城戴安道過而嘆曰德音未遠而木墓已積蓋神理縣縣不與氣運俱盡耳高逸沙門傳又云年五十三終於洛陽未知孰是

有文集八卷中以卽色論爲最高妙由剡錄世說原志增節

竺曇猷高僧傳卽曇光少苦行習結禪定游江左止剡之石城山有神現

形詣猷曰師威德既重來止此山弟子輒當推室相奉其在台

亦著靈蹟云由剡錄增

于法開遊石城住元華寺又移白山靈鷲寺與支公爭色空義弟

子法威最知名開嘗使威出都當還山陰世說作使過會稽曰道林正

講小品將無往見之威曰諾既至遁方捉麈威致難攻之遁曰

君乃受人寄載來耶嘉泰志法開才辨縱橫以術數宏教名德沙門題目

始與支公爭名後情漸歸支意甚不分遂遁跡剡下由乾隆府志增

新昌縣志卷十四

釋

十八

道寶本琅琊王氏晉丞相導之弟也弱年妙悟避世辭榮親舊諫

止莫之能制香湯澡沐將就下髮乃詠詩曰安知萬里水初發

濫觴時後以學行顯亦住剡東岫山由府志增

竺道一卽上道猷傳之道壹世說道一卽道生亦道猷究未知是一是二但以前傳證之則明爲二人鉅鹿人

宋文帝嘗問慧觀頓悟之義誰復習之卽以道猷對世說仍作道猷勅

臨川延入宮大集衆僧命伸述頓悟撫几大快世說原文從都下還

東山經吳中雪下未甚寒諸道人問在道所經壹公曰風霜固

所不論乃先集其慘澹郊邑正自飄瞥林岫便已浩然嘉泰志道猷傳

壹既來石城而返此出如白記所言未知何時還居沃洲所稱

十八僧如猷與法潛道林外剡錄謂自威至蘊密實光識斐藏

濟度遲即十二人皆一字一僧府志則分道猷道壹法潛通林  
爲四外謂密卽法崇光卽曇光斐卽曇斐俱見剡錄中惟所云  
乾興淵當有誤意者亦如字讀乾卽潛興卽法興惟淵未知卽  
剡錄亦未明言與世說所稱支遁道林本一人道壹道猷又一  
人開亦未知卽竺法開否均皆測度而言釋氏本不言姓其所  
稱白竺曇道殆隨事各以佛書名義氏之固無一定歟

六朝

帛光或曰曇光永和初至江東石城山下行數里坐石坎中夢種  
種惡三日見山神言移章安寒巖山以宅施光光就樹結廬久  
而成寺寺名隱岳

原志本  
剡錄

新昌縣志卷十四

釋

十九

僧護會稽剡人住石城山隱岳寺寺北有青壁千餘尺護每至其  
下輒聞管絃聲或發光怪卽自誓願就青壁鑄十丈佛像以齊  
建武中用工經年纔成而像護俄臥病臨終誓曰再生當就吾  
志祐亦剡縣人作石像護授準式先是建安王聞始豐令陸咸  
剡溪之夢以僧護所造石像上奏詔祐董其事天監十五年告  
成舊說祐宣律師前身也

原志本剡錄 呂氏採稿又引佛經疏論曰梁  
時始豐令陸咸夢沙門二人謂曰建安王染患

由於宿障剡僧護造彌勒像若能成之必獲康復乃白於王卽召僧祐因舊工鏹  
入五丈至天監十五年畢工世稱三生石佛其一卽淑亦護後身故云三生是則  
祐前身又爲護爲淑抑又

記其事者爲劉勰字彥和著有文心雕龍

名剡碑刻多出其手少依僧祐以居後出家法名慧地

梁書  
本傳 當

亦來此

唐

元儼律師諸暨人法華寺在山陰縣落髮隸懸溜寺從光州諮受其戒

探蹟律範過上京崇福意律師及融濟律師印可徧弘四人分

著輔篇記羯磨述章光州岸公命弘般若撰金剛義疏卽法華

寺建置戒壇招集律行傾衣鉢珣錫僧護僧祐所造石佛像開

元二十六年恩制度人採訪使潤州齊澣迎師於丹陽令新度

諸僧躬受其戒自廣陵迄於信安緇黃道俗受法者殆出萬人

由評本增

隱空唐劉長卿嘗送其還故居詩云自從飛錫後意指一行飛錫事而言人到

沃洲稀零落東峰上猶堪靜者探全唐詩又云莫買沃洲山時人

新昌縣志卷十四

釋

二十

已知處又沃洲能共隱不用道林錢似卽此人其風致可想增

靈澈字源澄會稽湯氏子雖受經論心好篇章劉禹錫詩序從嚴維學

詩抵吳興與皎然游貞元中西游京師名震輦下得罪徙汀洲

入會稽歸東越吳楚間諸侯多賓禮招逐之終於宣州開元寺

門人遷之建塔於越之山陰天柱峯有詩二十卷劉禹錫爲序

澈自廬山歸沃洲權德輿爲之序由剡錄嘉泰志增

元

炳同字野翁邑張氏宋亡避四明之杖錫寺閉戶書法華經有志  
來非厭客靜裏欲書經之句一時遺老如黃東發等皆與之游

由四明

山志增

明

正虛居南巖寺內持戒律外若癡魔時或露宿衆僧多不知鄙之  
忽一日囑其徒曰我將坐化汝作一龕衆無信者至期有一老  
人偃偻而來引之入龕焚香一炷置正虛胸間遂誦法華經至  
七卷口中忽生烟身漸成燼惟餘衣履捻珠老人忽不見拾灰  
得舍利數枚其坐化臺尚存

原志